

Taraxacum L. ex Wiggers [Prim. fl. holsat. (1780) 56].

256) *T. Nevskii* Juz. sp. n. (§ *Scariosa*). „Radix collo ca 1 cm crasso. Folia mediana rosulae ca 10 cm lg. ambitu oblongo-oblancoolata petiolo exalato viriscenti, profunde laciniata laciniis utrinque 4 triangularibus acutis modice retroflexis remotiusculis externe sicut interlobia dentibus nonnullis magnis vel lobulis anguste triangularibus acutis supra denticulatis instructis, sat tenuia, utrinque subglabra. Scapi floriferi 10—12 cm alt. tenues gracillimi pallide virides parce pilosi. — Calathium 2—2.5 cm diam., planum, haud multiflorum, radians. Involucrum ca 1 cm lg. glauco-viride, squamis exterioribus subscariosis patentibus parvis ovatis sicut interiora apice corniculo tenui instructis. Ligulae exteriores planae latiusculae pallide luteae marginales extus stria olivacea notatae. Antherae polliniferae. Achenia grisea 4 mm lg. linearia sulcata solum apice breve aculeolata, pyramide subuliformi ca 0.75 mm lg. aculeolis destituta, rostro tenuissimo 8 mm lg., pappo ca 6 mm lg. candido. V. v. c. et v. s. — Affinitas: Proles ex affinitate *T. monochlamydei* Hand.-Mazz. foliorum forma et involucri phyllis tenuiter corniculatis distincta“ (S. Juzepczuk). Ad finem superiorem zonae *Sabinae seravschanicae* in montibus Kuhitang supra pagum Chodsha-i-fil, 27 VI, n° 419 (typus!); ibidem, 27 VI, n° 417; in decliviis lapidosis sub cacuminibus montium Kuhitang supra pagum Cbodsha-i-fil, 27 VI, n° 460; dorsum jugi Kuhitang ex adverso pagi Markuschi, 5 VII, n° 614. — (7).

Sonchus Tourn. ex L. [Syst. ed. 1 (1735); Gen. pl. ed. 1 (1737) 238; Sp. pl. ed. 1 (1753) 793].

257) *S. asper* Hill. Herb. Brit. I (1769) 47. — Inter *Gossypii* segetes in valle fl. Kuhitang-Darja prope pagum Markuschi, 22 VII, n° 941. — (7).

258) *S. transcaspicus* Nevski sp. n. [*S. maritimus* Boiss. Fl. or. III (1875), 797, non L.]. Perennis, glaucus, glaber, radice repente, caulibus erectis 30—50 cm alt. fistulosis subsimplicibus vel leviter subdichotome ramosis vel furcatis oligocephalis, ramis strictis, foliis inferioribus linearibus vel longe et anguste lanceolato-linearibus ad 15 cm lg., 1—1.75 cm lt. margine serrulato denticulatis parce sinuato-dentatis dentibus paucis late triangularibus acutis leviter recurvis, superioribus linearibus integris sensim acuminatis acutis paulo dilatatis auriculato-cordatis, capitulis 2—5 in genere inter mediocribus, pedunculis 1.5—6 cm lg., involucri glaberrimi phyllis enumerosis latis externis duplo vel triplo minoribus lanceolatis internis 1—1.3 cm lg., ad 2.5—3 mm lt. oblongo-lanceolatis obtusiusculis margine albo-membranaceis, acheniis 3 mm lg. compressis ellipticis crasse et late marginatis utrinque elevatim tricostatis costa media crassiore. — Valde affinis *S. maritimo* L. (excl. formis africanis microcephalis), sed differt foliis valde glaucis vulgo integris rarius parce sinuato-dentatis dentibus paucis (nec numerosis) et capitulis paulo minoribus. — Specimina africana *Sonchi maritimi* differunt a typo et a *S. transcaspico* m. capitulis parvis, foliis fere semper integris et videtur speciem distinctam prebeunt. — Ad ripas fossae irriguae in pago Chodsha-i-fil, 28 VI, n° 510. — (6).